



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

IZVJEŠTAJ O RADU

UDRUŽENJA INŽENJERA I TEHNIČARA ŠUMARSTVA FEDERACIJE BOSNE I HERCEGOVINE - UŠIT FBIH ZA 2013. GODINU

U skladu sa Planom rada Udruženja inženjera i tehničara šumarstva Federacije Bosne i Hercegovine za 2013. godinu koji je usvojen na XI. Redovnoj Skupštini Udruženja inženjera i tehničara šumarstva Federacije Bosne i Hercegovine, a koja je održana dana 20.03.2013. godine u Kladnju, te u skladu sa Odlukama i Zaključcima Predsjedništva iz 2013. godine, Udruženje je provodilo sljedeće aktivnosti:

JAČANJE KAPACITETA I UNAPRIJEĐENJE ORGANIZACIJSKE STRUKTURE UDRUŽENJA

- U cilju efikasnijeg djelovanja, te stvarajući predušlove za efektivnije funkcionisanje i aktivniji rad Udruženja, tj. njegovih organa izrađena je i finalizirana jedinstvena baza članstva Udruženja. Privodi se kraju i dostavljanje svih članskih knjižica članovima Udruženja, koji su naknadno dostavljali pristupnice Udruženja.
- I 2013. godine je uzeto aktivno učešće i organizacija na odlasku predstavnika Udruženja na 45. EFNS-u, koji je održan u Delnicama u Republici Hrvatskoj.
- U skladu sa Memorandumom o saradnji i rokom važenja od dvije godine, poslat upit Generalnoj direkciji za šumarstvo Republike Turske, odakle je potvrđen status da je što se tiče Turske strane, Memorandum na snazi, dok ga jedna od strana pismenim putem ne raskine.
- Udruženje inženjera i tehničara šumarstva FBIH je po zaključku sa XI. Redovne Skupštine Udruženja, dostavilo više dopisa predsjedavajućim i sekretarima Predstavničkog doma i Doma naroda Parlamenta FBIH, premijeru FBIH i Federalnom ministru poljoprivrede, vodoprivrede i šumarstva, a povodom aktuelne problematike i trenutnog stanja u sektoru šumarstva Federacije BiH.
- Udruženje se obratilo sa saopštenjem za javnost po pitanju šumskih požara naglašavajući da šumarska struka kao najpozvanija u protivpožarnoj zaštiti šuma sugeriše da je trenutna dinamika u provođenju svih mjera zaštite šuma od požara nedostatna. Neophodno je obezbjediti trajne i stabilne finansijske izvore i institucionalna rješenja, koja će uz primjenu najsavremenijih metoda prevencije šuma od požara, doprinijeti ublažavanju posljedica, koje šumski požari ostavljaju iza sebe.
- Upućen je dopis Federalnom ministarstvu poljoprivrede, vodoprivrede i šumarstva i Federalnoj upravi za šumarstvo da se obrate javnosti sa saopštenjem vezano za opasnosti od šumskih požara.
- Komisija za izradu fotomonografije Šume Bosne i Hercegovine na čelu sa prof.em.dr. Vladimirom Beusom je skoro skoro čitavu 2013. Godinu aktivno radila na izboru fotografija, te je direktno i indirektno bio uključen veliki broj kolegica i kolega na prikupljanju i dostavi fotografija za fotomonografiju.
- Pri finalizaciji izrade fotomonografije, nedostajale su fotografije iz određenih djelova BiH (šume mediterana i submediterana i poplavne šume), te je Predsjedništvo Udruženja donijelo Odluku da se finansiraju troškovi za odlazak na teren kako bi se prikupile potrebne fotografije. Tim povodom su



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

prof.em.dr. Vladimir Beus, prof.dr. Sead Vojniković i sekretar Udruženja izvršili obilazak mediteranskih, submediteranskih i poplavnih šuma, te prikupili potrebne fotografije, kako bi se projekat oko fotomonografije finalizirao. Ovom prilikom se još jednom zahvaljujemo svim kolegicama i kolegama na podršci i angažmanu oko izrade fotomonografije.

- Udruženje je uputilo pet prijedloga iz oblasti flore i faune za izdavanjem poštanskih markica u 2014. godini.
- Udruženje je dostavilo preko 2.500 primjeraka raznih publikacija, knjiga i časopisa, pojedinačnim i kolektivnim preduzećima šumarstva, te raznim drugim institucijama i pojedincima u zemlji i inozemstvu.
- Projekat otomonografije Šume Bosne i Hercegovine u potpunosti je realizovan, te je dostavljen određeni broj primjeraka kolektivnim članovima i autorima fotografija, kao i kolegama koji su dostavili fotografije, a čije fotografije nisu izabrane od strane komisije u fotomonografiju.
- Prezentacija fotomonografije Šume Bosne i Hercegovine će se izvršiti na Redovnoj Skupštini Udruženja u martu 2014. godine.
- Nastavljeno je kontinuirano održavanje WEB stranice Udruženja u skladu sa mogućnostima, te je u budućnosti potrebno redizajnirati stranicu i unaprijediti strukturu i sadržaj iste. Sam rad web stranice bi u većoj mjeri bio upotpunjen sa slanjem priloga, obavještenja i novosti iz institucija i preduzeća šumarstva sa područja cijele FBiH.
- Nastavljena je dobra aktivnost na promociji koncepta individualnog i kolektivnog članstva svih šumarskih institucija, preduzeća, te ostalih pravnih subjekata, te smo u sklopu te aktivnosti dobili novog - starog kolektivnog člana Šumarstvo „Srednjeneretvansko“ d.d. Mostar.
- Finalizirana je baza članstva Udruženja, koja sadrži elektronsku bazu i Evidencijsku knjigu sa svim podacima o status članstva, te će ista biti objavljena na web stranici Udruženja.
- U skladu sa mogućnostima Udruženja stalno se vrši update web stranice Udruženja sa aktivnostima i sadržajima, te postavljanjem novih brojeva časopisa „Naše šume“. Sam rad web stranice bi u većoj mjeri bio upotpunjen sa slanjem priloga, obavještenja i novosti iz institucija i preduzeća šumarstva sa područja cijele FBiH.
- Nabavljen je uredski namještaj (ormari) za potrebe Udruženja, te je još u proceduri sređivanje kompletne arhive od osnivanja Udruženja.
- Udruženje je uzelo aktivno ulogu oko organizacije III. Šumarijade FBiH koja je održana u Zenici 13. i 14.09.2014. godine.
- U okviru održavanja stručnog dijela III. Šumarijade FBiH, Udruženje je organiziralo promociju i podjelu novog broja časopisa Naše šume, te je prezentiran doprinos Udruženja protiv požarnoj zaštiti šuma kroz prizmu saradnje sa Generalnom direkcijom za šumarstvo Republike Turske.
- Kao ni prethodna, ni 2013. godina nije bila u znaku kvalitetnije saradnje sa Hrvatskim šumarskim društvom Mostar (HŠD), koje vjerovatno ima određene probleme u kapacitetu funkcionisanja. Više se ne dostavljaju iz HŠD-a ni Šumarski listovi iz Zagreba.
- Također, nije bilo ni značajnijih aktivnosti u radu Savjeta šumarskih udruženja Bosne i Hercegovine (SŠU BiH). Većina aktivnosti se svodila na korespondenciju u skladu sa potrebama i zahtjevima.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Udruženje je produžilo Ugovor o zakupu poslovnih prostorija na Šumarskom fakultetu u Sarajevu do 31.12.2014. godine pod istim uslovima i cjenama kao i prethodne godine.

OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA

- Izvršeno je potpisivanje i realizacija bilateralnih ugovora o kolektivnom članstvu sa preduzećima šumarstva i ostalim zainteresiranim pravnim licima, te je značajno istači doprinos svih kolektivnih članova na redovnom izmirivanju preuzetih obaveza.
- Predsjedništvo Udruženja je dalo saglasnost na potpisivanje Sporazuma o partnerstvu na razvoju međunarodnog doktorskog studija pod naslovom „Međunarodna ekologija“, koji je dostavio prof. dr. Dalibor Ballian.
- U toku 2013. godine Udruženje nije apliciralo na druge međunarodne projekte, već su nastavljeni postojeći međunarodni projekti sa kolegama iz Turske.
- Aplicirano je na dva domaća projekta. Oba projekta su na kantonalnom novou (SBK i KS) i oba su odobrena. Jedan je realiziran u 2013. Godini i to sufinansiranje štampanja časopisa od strane Uprave za šumarstvo KS, dok je drugi projekat planiran za realizaciju u 2014. godini na svečanosti povodom obilježavanja Svjetskog dana šuma pod pokroviteljstvom Uprave za šumarstvo SBK.
- Zahvaljujući kolektivnim i pojedinačnim članarinama, angažmanu članova Predsjedništva i sekretara Udruženja, izvršena je finansijska konsolidacija i stvorene pretpostavke za dalji rad uz pozitivan finansijski rezultat.
- Kroz bilateralne kontakte sa kolektivnim članovima, realizirano je izmirenje zaostalih obaveza pojedinih kantonalnih preduzeća po ranije potpisanim Ugovorima, te je skoro u potpunosti realizirana naplata.
- Redovno su finansirana dva dvobroja časopisa „Naše šume“.

UKLJUČIVANJE UDRUŽENJA U AKTUELNA PITANJA U VEZI ŠUMARSTVA, JAČANJE SARADNJE NA NACIONALNOM I MEĐUNARODNOM NIVOU I UNAPRIJEĐENJE ŠUMARSKE STRUKE

- Udruženje se kao i prethodnih godina u više navrata, pismenim putem obraćalo nadležnim institucijama izvršne i zakonodavne vlasti u Federaciji BiH, izražavajući duboku zabrinutost povodom trenutnog stanja u oblasti šumarstva na nivou Federacije Bosne i Hercegovine, te negativnim posljedicama koje isto može izazvati, te se naglasilo da Udruženje stavlja na raspolaganje sve svoje kapacitete da pomogne u izradi i hitnom donošenju adekvatne zakonske regulative, koja bi omogućila unaprijeđenje razvoja sektora šumarstva u Federaciji BiH. Nažalost, ovi dopisi Udruženja dosada nisu rezultirali nikakvom reakcijom od strane onih kojima su bili upućeni.
- Nastavljeno je kontinuirana korespodencija sa Generalnom direkcijom za šume Republike Turske, kao i TIKa-e (Turske agencije za razvoj i saradnju) što je rezultiralo završetkom jednog i nastavkom



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

već započetog drugog projekta. Prvi projekat koji je finaliziran je protivpožarna obuka sa praktičnom primjenom, koja se održala u protivpožarnom trening centru Generalne direkcije za Šumarstvo Republike Turske u Antaliji, za 36 šumara iz cijele Bosne i Hercegovine. Na obuci su učešće uzela sva tri Udruženja (UŠIT RS, HŠD I UŠIT FBiH), odnosno relevantni predstavnici preduzeća i institucija šumarstva iz cijele BiH.

- Nastavljena je aktivna saradnja na realizaciji drugog projekta: „Park šume Prijateljstva“, na kojem su angažirane kolege iz „Sarajevo šuma“ i Općina Stari Grad, koji su realizirali svoj dio obaveza po projektu, te obezbjedili dva tanka za vodu od po 12.000 litara vode, struju i ostalu tehničku dokumentaciju projekta., dok je Udruženje nastavilo ulogu učesnika i korespondencije sa kolegama iz Turske i TIKA-om.
- Udruženje je u saradnji sa preduzećima šumarstva i Šumarskim fakultetom organiziralo četverodnevnu studijsku posjetu za oko četrdeset članova Upravnog odbora Hrvatskog šumarskog društva i članova Skupštine Hrvatske komore inženjera šumarstva i drvne tehnologije susjedne nam Republike Hrvatske.
- Nastavljeni su razni oblici saradnje (intervjui, prilozi i sl.) sa medijima, radi unaprijeđenja odnosa s javnošću i promoviranja značaja šumskih resursa i šumarske struke u javnosti.
- Na osnovu svega navedenog, Udruženje je izrazilo i dalje izražava spremnosti da konstruktivno saraduje sa svim relevantnim subjektima u oblasti šumarstva u zemlji i inozemstvu u cilju očuvanje šumskih resursa i unaprijeđenja razvoja sektora šumarstva u BiH i promociji šumarske struke u javnosti.

**IZDAVAČKA DJELATNOST, STRUČNI RADOVI, OBRAZOVANJE,
SEMINARI I SAVJETOVANJA**

- Ono što nas raduje je podatak da su štampana dva planirana broja časopisa Naše šume, pri čemu časopis dobija pozitivne kritike od kolega iz inozemstva. Radi iskazane potrebe odnosno povećanja broja članstva u Udruženju iskazuje se potreba za povećanjem tiraža časopisa što će opet zavisiti od finansijske situacije u Udruženju. Kao i prethodnih godina evidentno je slabo dostavljanje članaka od kolega sa terena.
- Realizovan je projekat štampanja fotomonografije Šume Bosne i Hercegovine.
- Kolektivnim i pojedinačnim članovima, ljubiteljima prirode, školama, fakultetima i dr. subjektima podjeljeno je preko 2.500 komada stručne literature, brošura i knjiga, te sređena i nabavkom uredskog namještaja formirana mini biblioteka Udruženja i evidentirane su sva izdanja koja Udruženje posjeduje.
- Štampana je i uz časopis Naše šume broj 30 - 31 podjeljena prva Baza podataka o svim inženjerima šumarstva na području Federacije Bosne i Hercegovine. Pored imena i prezimena inženjera šumarstva do kojih je Udruženje na različite načine uspjelo doći, baza sadrži i naziv preduzeća/institucije u kojima su inženjeri zaposleni, kao i kontakt podatke tih preduzeća/institucija. Udruženje je potpuno svjesno da se radi o početnoj verziji baze podataka, te da ista sigurno ima značajnih manjkavosti.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Udruženje planira da u narednom periodu pripremi unaprijeđenu verziju ove baze, koja bi pored podataka o penzionisanim kolegicama i kolegama (kojima se ovom prilikom najiskrenije izvinjavamo što nisu uključeni u početnu verziju baze), sadržavala i podatke o kolegicama i kolegama, koji su iz bilo kojeg razloga izostavljeni, a koja će zvanično biti objavljena na web stranici Udruženja.

STRUČNE EKSKURZIJE I MEĐUNARODNA SARADNJA

- Kolektivnim i pojedinačnim članovima, ljubiteljima prirode, školama, fakultetima i dr. subjektima podjeljeno je preko 2.500 komada stručne literature, brošura i knjiga, te sređena i nabavkom uredskog namještaja formirana mini biblioteka Udruženja i evidentirane su sva izdanja koja Udruženje posjeduje.
- Prema tumačenju Memoranduma o saradnji sa Generalnom direkcijom Turskih šuma, koji je istekao, Turska strana smatra da je što se njih tiče on na važnosti sve dok ga jedna od strana pismenim putem ne raskine.
- U maju 2013. godine organizirana je studijska posjeta Hrvatskim šumama, UŠP Split, u kordinaciji sa Hrvatskim šumarskim društvom Republike Hrvatske, na temu: "Šumski požari i zaštićena područja".
- Na zahtjev članstva Udruženje je putem TIKA-e dostavilo Upit za donaciju specijalnih protiv požarnih vozila i opreme za kolektivne članove Udruženja: ŠPD „Srednjobosanske šume“ d.o.o. Donji Vakuf, Šumarstvo „Prenj“ d.d. Konjic, Šumarstvo „Srednje Neretvansko“ d.d. Mostar i KJP „Sarajevo šume“ d.o.o. Sarajevo, kao i obuku stručnih kadrova i pokrivanje Općina Konjic, Jablanica i Kantona Sarajevo, video nadzorom preko frekvencija od 35 i 36 megaherca (slobodne frekvencije u BiH) sa ciljem efikasnije zaštite šuma od požara, te finalizacijom započetog projekta „Park šuma Prijateljstva“.
- Neophodno je naglasiti da je Udruženje imalo ključnu ulogu u svim aktivnostima na realizaciji međunarodne saradnje u kojima su ravnopravno učestvovali članovi svih šumarskih strukovnih udruženja u BiH. Bez nesebične materijalne i tehničke pomoći svih kolektivnih članova, kao i drugih prijatelja Udruženja, realizacija ovih aktivnosti ne bi bila moguća.
- Zajedno sa predstavništvom Njemačke privrede u Bosni i Hercegovini - kancelarija Sarajevo i press službom sajma INTERFORST - Minhen 2014., proračene su informacije i aktivnosti oko organizacije sajma i odlaska bh šumara na istu u julu 2014. godine.
- Započete aktivnosti na odlasku stručne ekscurzije u Republiku Njemačku (Pokrajinama Hessen i Baden Wuertenberg). Termin je pomjeren u kordinaciji sa kolegama iz Njemačke sa oktobra 2013. godine za oktobar 2014. godine. Tema posjete: Primjena savremenih tehnologija u iskorištavanju i uređivanju šuma.
- Započete aktivnosti na odlasku stručne ekscurzije za Srbija - Mađarska, za april 2014. godine. Tema: Šumarstvo i gospodarjenje sa lovnom divljači.
- U saradnji sa Austrijskim udruženjem za biomasu, promovirana je 4. Centralno europska konferencija o biomasi, koja se održavala u Beču od 15-18 januara 2014.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Sve navedene aktivnosti realizovane su uz značajna finansijska ograničenja i manji budžet, imajući u vidu aktuelnu ekonomsku situaciju u BiH i stanje u sektoru šumarstva.

Predsjedništvo
Udruženja inženjera i tehničara šumarstva FBiH